

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULIZA LEO

MKUTANO WA SABA

KIKAO CHA KUMI NA MBILI

25 APRILI, 2017



ORODHA YA SHUGHULI ZA LEO

MKUTANO WA SABA

KIKAO CHA KUMI NA MBILI – TAREHE 25 APRILI, 2017

I. DUA:

II. HATI ZA KUWASILISHA MEZANI:

WAZIRI WA UJENZI, UCHUKUZI NA MAWASILIANO:

Randama za Makadirio ya Mapato na Matumizi ya Wizara ya Ujenzi, Uchukuzi na Mawasiliano kwa Mwaka wa Fedha 2017/2018.

WAZIRI WA KATIBA NA SHERIA:

Hotuba ya Makadirio ya Mapato na Matumizi ya Wizara ya Katiba na Sheria kwa Mwaka wa Fedha 2017/2018.

MWENYEKITI WA KAMATI YA KATIBA NA SHERIA:

Taarifa ya Kamati ya Katiba na Sheria kuhusu utekelezaji wa majukumu ya Wizara ya Katiba na Sheria kwa Mwaka wa Fedha 2016/2017 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2017/2018.

MWENYEKITI WA KAMATI YA BUNGE YA BAJETI:

Taarifa ya Mwenyekiti wa Kamati ya Bunge ya Bajeti kuhusu Maoni ya Kamati hiyo juu ya Utekelezaji wa Bajeti ya Mfuko wa Mahakama kwa Mwaka wa Fedha 2016/2017 pamoja na Makadirio ya Mapato na Matumizi kwa Mwaka wa Fedha 2017/2018.

MSEMAJI MKUU WA KAMBI YA UPINZANI KUHUSU WIZARA YA KATIBA NA SHERIA:

Taarifa ya Msemaji Mkuu wa Kambi ya Upinzani kuhusu Wizara ya Katiba na Sheria juu ya Makadirio ya Mapato na Matumizi ya Wizara ya Katiba na Sheria kwa Mwaka wa Fedha 2017/2018.

III. MASWALI:

OFISI YA RAIS (TAMISEMI):

95. MHESHIMIWA OSCAR RWEGASIRA MUKASA (BIHARAMULO MAGHARIBI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Ibara ya 57(b) ya Ilani ya Uchaguzi ya CCM inaahidi kuweka mfumo wa kuvitambua, kuvisajili na kuviwezesha vikundi vyote vyenye mwelekeo wa Ushirika na Ujasirimali nchini. Kwa kuwa kundi la waendeshaji wa vyombo vya usafiri wa abiria maarufu kama

bodaboda ni kundi la kijasiriamali, na inawezekana ndio kundi lenye mwelekeo na fursa za kiushirika ambalo ni kubwa zaidi Wilayani Biharamulo na nchini kote kwa sasa:-

Je, Serikali ina mpango gani mahususi juu ya kundi hili.

WIZARA YA MAJI NA UMWAGILIAJI:

96. MHESHIMIWA EZEKIEL MAGOLYO MAIGE (MSALALA):

Atamuuliza Mheshimiwa Waziri wa Maji na Umwagiliaji:- Mwaka 2014/2015 Serikali iliahidi kuongeza usambazaji maji katika Vijiji 100 vilivyoko umbali wa km12 kutoka bomba kuu la Ziwa Victoria hadi Kahama na Shinyanga. Serikali ilitenga na Bunge kupitisha Tshs. Bilioni 4 ili kutekeleza mradi huo:-

- (a) Je, ni Vijiji vingapi vimeshapatiwa maji kati ya hivyo Vijiji 100 hadi sasa;
- (b) Je, Serikali itafikisha lini maji ya Ziwa Victoria katika Vijiji vya Mwakuzuka, Mwaningi, Kabondo, Ntundu, Busangi, Buchambaga, Nyamigege, Gula, Izuga, Buluma, Matinje na Bubungu.

97. MHESHIMIWA INNOCENT LUGHA BASHUNGWA (KARAGWE):

Atamuuliza Mheshimiwa Waziri wa Maji na Umwagiliaji:- Serikali imeahidi kujenga mabwawa ya maji katika Kata za Kanoni, Igarwa, Ihanda na Chenyonyo ili kuwapatia maji Wananchi wa Kata hizo:-

- (a) Je, Serikali imefikia hatua gani katika kutekeleza kazi hiyo;
- (b) Je, Serikali inawahakikishiaje Wananchi wa Vijiji vya Kafunjo, Kijumbura na Bweranyange kwamba mradi wa maji wa Lyakajunju utakapotekelezwa utawaachia Wananchi miundombinu ya maji ili kuwanusuru kuliwa na Mamba wanapofuata maji Ziwani.

WIZARA YA MAMBO YA NDANI YA NCHI:

98. MHESHIMIWA SABREENA HAMZA SUNGURA (VITI MAALUM):

Atamuuliza Mheshimiwa Waziri wa Mambo ya Ndani ya Nchi:-

Je, Serikali ina mkakati gani wa kupunguza ajali za barabarani.

WIZARA YA HABARI, UTAMADUNI, SANAA NA MICHEZO:

99. MHESHIMIWA HAMIDA MOHAMED ABDALLAH (VITI MAALUM):

Atamuuliza Mheshimiwa Waziri wa Habari, Utamaduni, Sanaa na Michezo:- Uwanja wa mpira wa miguu wa Lindi ulijengwa tangu mwaka 1957 wakati wa Ukoloni wa Gavana Sir Edward Twining na mpaka leo haujafanyiwa maboresho:-

Je, Serikali haioni sasa ni wakati muafaka wa kuukarabati na kuwa wa kisasa ikizingatiwa kwamba uwanja huo ulikuwa ukitumika kwa ajili ya michezo ya Afrika Mashariki.

WIZARA YA UJENZI, UCHUKUZI NA MAWASILIANO:

100. MHESHIMIWA ALBERT OBAMA NTABALIBA (BUHIGWE):

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, ni lini Serikali itajenga kwa kiwango cha lami barabara ya Mnanila – Manyovu - Kasulu ili kuwasaidia Wananchi wa maeneo hayo.

WIZARA YA VIWANDA, BIASHARA NA UWEKEZAJI:

101. MHESHIMIWA GIMBI DOTTO MASABA (VITI MAALUM):

Atamuuliza Mheshimiwa Waziri wa Viwanda, Biashara na Uwekezaji:- Mkoa wa Simiyu ni miongoni mwa Mikoa ambayo haina viwanda licha ya Wananchi wake kuwa Wakulima na Wafugaji:-

Je, Serikali ina mpango gani wa kujenga viwanda vingi Mkoani Simiyu vikiwemo viwanda vya kusindika nyama, matunda, maziwa, ngozi, mafuta ya kula na nguo ili kuharakisha ukuaji wa uchumi na ongezeko la ajira kwa vijana.

WIZARA YA FEDHA NA MIPANGO:

102. MHESHIMIWA ZUBERI MOHAMED KUCHAUKA (LIWALE):

Atamuuliza Mheshimiwa Waziri wa Fedha na Mipango:- Shirika la Usagaji la Taifa (NMC) lililokuwa na matawi karibu Nchi nzima na *assets* mbalimbali lilibinafsishwa kutokana na Sera ya Ubinafsishaji:-

(a) Je, ni Matawi mangapi yamebinafsishwa na mangapi yamebaki mikononi mwa Serikali;

(b) Je, Serikali imepata fedha kiasi gani kutokana na ubinafsishwaji huo;

(c) Je, kati ya Matawi yaliyobinafsishwa ni mangapi yanaendeshwa kwa ubia wa Serikali.

WIZARA YA MALIASILI NA UTALII:

103. MHESHIMIWA YAHAYA OMARY MASSARE (MANYONI MAGHARIBI):

Atamuuliza Mheshimiwa Waziri wa Maliasili na Utalii:- Tanzania ni Nchi yenye Misitu mingi na Sheria ya Usafirishaji wa Mazao ya Misitu inazuia kusafirisha mbao zenye unene unaozidi sentimita 15 au inchi 6:-

Je, Serikali imepata hasara kiasi gani kuruhusu usafirishaji wa mbao zenye unene wa sentimita 20 sawa na inchi 8 ili kujenga uwezo wa kiushindani na nchi nyingine katika soko.

**104. MHESHIMIWA JOSEPH GEORGE KAKUNDA
(SIKONGE):**

Atamuuliza Mheshimiwa Waziri wa Maliasili na Utalii:- Kati ya mwaka 1954 na 1957 kulifanyika zoezi la upimaji wa maeneo ya Hifadhi za Misitu, Mapori ya Akiba na Hifadhi katika Wilaya ya Sikonge ambapo kulikuwa na wakazi takribani 16,000 na ng'ombe wapatao 2500. Kwa sasa wakazi wameongezeka hadi kufikia takribani 300,000 na ng'ombe wapo takribani 200,000 lakini eneo la kuishi, kulima na malisho ya mifugo na shughuli nyingine za kiuchumi ni lile lile asilimia 3.7 ya eneo lote la Wilaya huku eneo la Hifadhi likibaki asilimia 96.3. na hali hii inasababisha migogoro kati ya wakulima, wafugaji na warina asali dhidi ya Maafisa Maliasili:-

- (a) Je, ni lini Serikali itawaongezea wakazi wa Wilaya ya Sikonge eneo la kuishi, kulima na kulisha mifugo kutoka asilimia 3.7 hadi angalau asilimia 25 ya eneo lote la Wilaya;
- (b) Je, Serikali haioni kuwa kuongeza eneo la Wilaya hiyo kwa asilimia 25 kutaepusha migogoro iliyopo sasa na hivyo Wananchi watatekeleza shughuli zao kwa amani na utulivu huku wakilinda mazingira pamoja na Hifadhi.

IV. HOJA ZA SERIKALI:

WAZIRI WA KATIBA NA SHERIA:

Kwamba, Bunge sasa likubali kupitisha Makadirio ya Mapato na Matumizi ya Wizara ya Katiba na Sheria kwa Mwaka wa Fedha 2017/2018.

**DODOMA
25 APRILI, 2017**

**DKT. T. D. KASHILILAH
KATIBU WA BUNGE**

